

*Q. D. B. V.*  
DISPV TATIO JVRIDICA  
DE  
V E R A  
JVRAMENTI CREDVLITATIS  
NATVRA ET INDOLE

*Q U A M*  
CONSENSV  
ILLVSTRIS JCTORVM ORDINIS  
P R Æ S I D E

D. JOHANNE GO'TTLIEB. REICHELIC  
SVPREM. CVR. PROVINCIAL. ET  
CONSISTOR. ADVOC.


PLACIDO ERVDITORVM EXAMINI  
*AD D. XXII. NOVEMBR.*  
SVBMITTIT

*AVCTORET RESPONDENS*  
CAROLVS SAMVEL SENFF  
STOLPENS. MISNIC.

*H. L. Q. C.*

---

L I P S I Æ  
LITITERIS ANDREÆ MARTINI SCHEDII.  
ANNO M DCCXXV.




V I R O  
*MAXIME REVERENDO,*  
*AMPLISSIMO DOCTIS-*  
*SIMOQUE*  
D O M I N O  
M. CAROLO SAMUELI  
S E N F F I O,  
PASTORI ECCLESIAE STOLPENSIS  
ET  
EPHORIAE BISCHOFFWERDENSIS  
ADJVNCTO  
OPTIME MERITO  
*PARENTI SVO INDVL-*  
*GENTISSIMO*  
PRIMITIAS HASCE ACADEMICAS

IN  
GRATI ANIMI DOCUMENTVM  
ET  
VLTERIORIS FAVORIS INCITAMENTVM  
DEVOTO CVM VOTO  
VT  
PERPETVVS FLOREAT  
IN TOTIVS FAMILIÆ SOLATIVM  
ET  
QVAM LONGISSIME SVPER SIT  
IN ECCLESIAE EMOLVMENTVM  
DEMISSA AC GRATA  
OFFERT MANV

obsequiosissimus filius

VIR MAXIME REVERENDE,  
VENERANDE DOMINE  
PARENS,

 *Vum affectum TVVM erga  
me, etiam materna indul-  
gentia molliorem, & benefi-  
ciorum multitudinem, quibus huc us-  
que me complexus es, cogito; intelli-  
go, me debitorem maxime obæratum,*

Et cujusdam summi Justitiæ Antistitis, quibus in decidendis controversiis usus est verba: **DEBES? SOLVE!** ad me quoque esse directâ. Quo pacto autem benefactâ **TVA**, in educatione, in studiorum sumtuum subministratione Et quæ sunt id genus alia exhibitâ, compensare debeo? Debitum agnosco maximum. Unde vero haurienda spes solutionis? Ad cessionis bonorum beneficium confugerem, sed **TVO** consilio bona, quæ dedisti, hic alibiq; sunt consumpta, Et nulla, uti non nescis, præterea possideo, exceptis profectitiis, de quorum autem nec proprietate nec usufructu gloriari licet. Multo minus ad exceptionem in foro haud inusitatam, quod nulla inter Patrem Et filium obligatio efficax intercedat, recurrere æquum est, nisi impugnando immutabiles Juris Naturalis leges ingrati

grati crimine arguendus videar. Quid  
igitur tentandum! Forſan in ſolutum  
me dare licebit. Nec ita magno debito  
ſatisfactum erit, quia poteſtati patriæ  
totus jam jam lubentiſſime ſum ſubje-  
ctus. Trado igitur omnia, licet pauca,  
ſcilicet hæſce primitias Academicas, vi-  
lioris pretii pagellas. Confiteor quidem,  
VENERANDE PARENS, quod  
levidenſe hoc ſcriptum, plane impar ſit  
maximo debito meo compensando, aſt  
in ſubſidium a tenerrimo affectu pater-  
no jura paupertatis mihi, non tam ad  
credulitatis, quam Veritatis juramen-  
tum ſe offerenti, exorata volo. Et  
quamvis utrumque amor TUUS mihi  
remitteret, debitum tamen pro remiſſo  
nunquam habebo, ſed eſi ultra alte-  
rum tantum aſcenderit, totum debi-  
tum cum uſuris exſoluturum, ſanctè pol-  
liceor. Quod ut eo melius procedat,  
Sum.

*Summum rerum moderatorem. supplex  
adeo, velit TE VENERANDE  
PARENS, una cum MATRE DI-  
LECTISSIMA & ipsis dicata domo  
per plurimos annos salvos & incolumes  
servare, omnique felicitatis genere  
beare! Quibus precibus ut Deus an-  
nuat, vovet*

*filius observantissimus*  
**Carolus Samuel**  
**Senff.**





# §. I.



Omnis veritas rei vel demonstrari  
 vel probabili ratione evinci  
 potest, atque adeo veritatem vel  
*scimus vel credimus.* Veritatis  
 investigandæ & fidei de vero al-  
 teri faciendæ causa adinventæ sunt  
 juramenta, maxime cum veritas  
 abditis animi recessibus recondita  
 manifestari debet. Hæc veritatis probandæ duplex  
 consideratio Juramenta, tanquam media probationis,  
 in veritatis & credulitatis juramenta distinxit; licet, si  
 dicendum, quod res est, potius omne juramentum, ve-  
 ritatis in genere dici mereatur: sicut nec illud statim  
 habetur juramentum credulitatis, quo juraturus sui  
 commodi causa credulus aliquid verum esse, tantum sibi  
 credit, nec credulitatis suæ probabiles rationes habet.  
 Perversus harum vocum intellectus temerariis vel incau-

B

tis

tis hominibus pejerandi licentiam impunem facile suadere potest. Rectius juramentum credulitatis dicitur eo, quod minime credulus esse, sed omnes circumstantias maxima circumspectione recte trutinare debeat. juraturus.

## §. II.

Sed ipsum hoc de juramento Credulitatis argumentum variis, non ultimi momenti, dubiis, quæ LAVTERBACHIVS, in Disp. de juramento credulitatis aut discutienda reliquit, aut ipse movit, implicitum animadvertere licet. Inprimis vèro invidiosâ Quorundam de *juramento credulitatis negativo* opinio singulari disquisitione digna est. Quam cum institui-  
mus, placuit simul omnem hanc causam ad certiora principia revocare, idque eo lubentius, quod ad hujusmodi considerationem ipsa ORD. PROC. SAX. NOV. invitare videbatur. Placebit etiam eo nomine opera nostra, quod non circa obsoletas quasdam tricas, sed circa rem occupata fuerit, quæ hodieque in foro maximo exposita est abûsui, & propterea suo jure meretur, cui legitimi termini statuuntur. Ut enim in aliis talibus ingenii & eruditionis laudem affectare cuivis concessum est: ita in re vulgari & in foro usitatissima non tam eruditionis quam utilitatis laudem quærere decet, quæ maxima est, si non ad libidinem hominum & periculum innocentium, sed ad veram justitiam sit comparata. Nihil magnificum promittimus, satisfactum erit animo nostro, si  
hisce

hiscæ lineolis & veluti punctis aliorum ingenia excita-  
verimus, ad examinandum ea, quæ de juramento cre-  
dulitatis in usu sunt : & si judices partesque litigantes  
ita admoneantur, ut ubique medio, periculi pleno,  
decenti cum cura & religione utantur.

## §. III.

Juramentum credulitatis dicimus *juramentum assertorium subsidarium*, quo de eo, quod probabili conscientia verum existimamus, fidem facimus, ut secundum probabilem hanc veritatem lis impedita tandem expediat. Vim ac naturam juramenti assertorii evolvendi otium nobis fecit GERARD, NOODT. *Comm. ad ff. de Jurejurand. in princ.* Utilius inquiremus, quare juramentum credulitatis subsidarium dici possit. Qui veritatem probabilem, qua nicitur, cedere demonstrativæ, illam non sine formidine contrarii contingentis, hanc indubitatam, constantem esse; hac tutius, quam illa, controversiæ decisionem fulciri; tutiorem autem viam a judice eligendam esse; consideraverit : non dubitabit juramentum assertorium subsidarium generis loco hic admittere. Quin imo quotidie videmus, judicem ad supplendam semiplenam probationem potius contra regulam actori juramentum veritatis, quam reo purgatorium credulitatis injungere, quo facit notab. text. 2. F. 33. verba: Dominus vero &c.

## §. IV.

Differentiam specificam juramenti credulitatis constituit *quod probabili conscientia verum*, quo ipso a juramento veritatis maxime distinguitur. Conscientiam hoc loco non fraudi & simulationi, sed potius scientiæ, demonstrationi & evidentiæ opponi, quilibet videt. Non minus enim de veritate quam de credulitate ex sententia animi & bona fide jurari debet. Haud negabimus, de certo etiam & evidenti *Conscientiam* dici, qua de causa limitationem *probabili* adjecimus. Neque tamen invitis legibus usi sumus hoc vocabulo, cum juramentum credulitatis nominatim dicatur *Juramentum de Conscientia* 2. F. 33. ibi: *Jurabis Vasallus sine mentione conscientiæ*, i. e. de veritate: *Dominus quoque de suo facto similiter. De facto vero patris vel avi vel alterius ascendentis*, juramento conscientia præponitur. OBRECHT. de Jurament. Calumn. c. 8. n. 22. Similiter dicitur in l. 2. C. de Fideicomm. conscientia relictæ fideicommissi, conf. l. 19. C. de Testam. l. 5. §. 7. ff. de injust. rupt. irrit. fact. Testam. *Probabilis conscientia facti* nobis est, ubi ex pluribus factum attingentibus & graviter afficientibus circumstantiis, quibus alias vere & directe repugnare non invenimus, in una hypothefi earum virtus colligitur, quæ animo nostro verum ejusmodi adeo insinuat, ut ita non aliter factum vel non factum esse firmiter credamus. Hæc *quod probabilis* acceptio in legibus non infrequens est, ita in l. 2. C. de Instit. & substit. e verbis testamenti materni colligitur,

tur, id quod tutrix *probabilis consilio voluerit. conf. l. 7. §. 12. ff. de Scto Maced. j. l. 6. §. 5. ff. de Carbon. Edict.*

## §. V.

Fieri autem potest, ut, quæ maxime probabilis de facto alieno nobis jam jam visa est sententia, &, quam eo quidem tempore adeo juramento confirmavimus, postea temporis infirmetur, ex quo circumstantiæ aliæ subvenerunt, quæ in id, quod ab altero factum vel non factum esse dicitur, fortius & propius vim suam inferunt, ita, quæ ex virtute priorum circumstantiarum vix stabilita sunt, fortiori vi subsequente concidunt. Quo ipso tamen Juramenti credulitatis, quod hac veritate probabilis nititur, auctoritas & vis non labefactatur, sed conscientiæ, post juramentum aliter edoctæ, & de perjurio commissio sollicitæ potius consulitur, & simul apprime edocentur, quæ & quantæ infirmitates scire nostrum comitentur, quam caute & sollicitè in inquirendis & colligendis circumstantiis versari debeamus: quam prudenter ab ipsis circumstantiis procedendum sit ad conclusionem aliquam affirmativam aut negativam, Quæ cum omnia singularem circumspectionem requirant, quam plebi aliisque minus exercitatis attribueri vix licet: apparet quanta industria illis hominibus ab aliis sit succurrendum, quibus aut officii ratio, aut communis justitiæ & veritatis amor injunxit, ut operam dare debeant, ne quid veritas, aut conscientiæ capiant detrimenti.

## §. VI.

His itaque præstructis manifestum est, quæ sit differentia specifica probabilis conscientia & perfecta scientia adeoque juramenti credulitatis & veritatis. Inde autem per se fluit, de facto alieno regulariter de credulitate jurandum esse. Quoties autem in præsentia ejus, cui jus jurandum deferretur, aliquid a tertio factum vel non factum est, vel alia legitima præsumptiones scientia perfecta facti alieni adsunt, de quibus vid. VINC. CAROCIVM de *Jurament. Decisiv. Quæst. XII. principal. per tot.* nullum dubium est, quin & de facto alieno alteri juramentum veritatis deferri possit. Id quod abunde probat ipsa O. P. S. N. ad Tit. XIX. §. VI. ubi cedentis hæredes pro re nata, nach Gelegenheit der Umstände potius de veritate, quam cessionarius de credulitate jurare jubentur, idem fere c. l. §. V. post verb: Wenn aber dergleichen cautum est, a tutore, si res ita ferret, pro pupillo suo a se delatum vel relatum, ut & calumniae juramentum de veritate præstandum esse, licet revera de facto alieno juret. Hinc quoque factum esse arbitramur, quod in O. P. S. N. ad eund. Tit. XIX. §. III. non expresse dispositum, sed potius res examini & arbitrio judicis relicta sit, judex vero naturam rerum, quæ circumstant ipsa facta propria vel aliena, in §. V. & VI. modo alleg. probe considerare nominatim jubetur, adeoque his satis evincitur, non ubique circa facta aliena de credulitate jurari, sed ex principiis memoratis rem omnem temperan-

randam esse. Sicuri & super facto proprio aliquem ad juramentum credulitatis admittere, ipsa rerum, quæ circumstant, qualitas & sola necessitas sæpe extra ordinem imperat, si quem de facto proprio sed nimis antiquo & obscuro, aut cui suo tempore forte non adeo attenderit, certam & infallibilem notitiam non habere appareat. Si quidem eadem fere in antiquis & obscuris, nec non in his rebus, quas negligentius paulo tractavimus, quarumque propterea circumstantias non accurate perspeximus, ut earum vix recordari queamus, eadem, inquam, quæ in alienis factis pro hominum imbecillitate præsumenda est scientiæ incertitudo; Invisis autem & fluctuantibus perjurium anceps subire, graviter interdictum est *l. 4. ff. de in lit. jurand. j. l. 192. §. 1. ff. d. Reg. Jur. conf. L A U T E R B. Disputat. de Juram. Credulitat. part. poster. tb. XXVI. n. 2.*

## §. VII.

Contra ea, quæ jam dicta sunt, usus fori, qui tyrannidem sæpe exercet, axioma practicum in nonnullis judiciis introduxerat, nimirum prout res vel conscientiæ tantum, vel simul scientiæ & notitiæ alicujus commissa esset, aut de veritate aut de credulitate jurandum esse: Quæ doctrina plurimis subtilitatibus, fingendis fatalibus, & disputationibus fori perniciosam ansam dedit, & ex male intellecto O. P. S. Tit. XIX. §. V. orta esse videtur, ubi tamen nullum principium universale, sed potius solennis verborum, deferendi jura-

juramenti conceptio præscripta est, forsitan eo consilio, ut iudici & litiganti facilius pateret, quale juramentum delatum & injungendum sit. Et quis non videt, vocabula ista conscientia, scientia & notitia; **Gewissen, Wissenschaft und Bewußt** ita vulgari usu non differre, ut iis essentialiter juramenta veritatis & credulitatis distincta esse judicari debeat. Nedum ut alter ubique ad jurandum eo modo, quo aliter deposcit, compelli possit, sed pro diversitate negotii & diversa ipsius obligatione diversimode pronuntiandum sit. Quare inanis ista scrupulositas verborum & practicorum principium modo dictum O. P. S. N. §. III. penitus abrogatum est.

### §. VIII.

Qui hæc recte perspiciunt, statim pronuntiabunt, quod ignorantia facti juramento credulitatis in genere probari nequeat, id quod etiam l. 2. §. 2. C. de jurejur. propter calumn. satis evincitur, quæ rationem juramenti à tutore, curatore vel administratore legitimo præstandi his ipsis verbis indicat: *Quia ipsi causam scientes ita ad eam perveniunt; & porro: eo, quod ex animi sui scientia jurent.* Quæ scientia in proximæ subsequentibus verbis leg. alleg. non minus eleganter quam perspicue in apodicticam & probabilem distincta invenitur, quæ ita habent: *Et licet veræ causæ natura alia forsitan est, tamen quod quisque credit & existimat, hoc est jurandum.* Ut distinctius de sententia nostra constet, ita argumentamur: Aut de scientia aut  
de



de ignorantia nostra jurejurando fidem facere debemus. Scientia quidem vel apodictica est, vel probabilis, & proinde admittit juramentum veritatis aut credulitatis: At quis ignorantiam divisit unquam in *ignorantiam apodicticam & probabilem*. Vincibilem novimus & invincibilem ignorantiam, & sentimus fere, hanc in causa fuisse, ut quidam DD. inde aliam istam divisionem juramenti credulitatis in affirmativum & negativum construxerint. Hoc vero cum nunquam factum sit, & natura ignorantiae, quam jurejurando affirmamus, nec probabilitatem nec demonstrationem admittat; apparet liquido, unum tantummodo genus juramenti ignorantiae admittendum esse, quod ipsum contradistinctum est, juramento tam veritatis, quam credulitatis. Qui juramentum credulitatis negativum admittunt, hoc cum juramento ignorantiae confundere non abs re nobis videntur. Dum enim *juramentum credulitatis affirmativum ab negativo* his conceptis verbis distinguunt, ut illo quis *se credere factum, vel credere non factum esse*; & hoc jurans, *se non credere factum esse, vel non credere non factum esse*, perhibeatur: manifestum est, & fundamento dividendi destitui, & frustraneam esse hanc divisionem, nullamque rationem oppositionis haberi. Etenim *credere non factum esse* (e. g. Vassallum investituram non accepisse) & *non credere factum esse* (Vassallum investituram accepisse) plane coincidunt. Nisi quis jejuno more verba captare, & ex positu particulæ *Non* litem hanc dijudicare velit. Quod vero cum omnibus eruditis tum maxime Jurisperitis indignum, est. Res quidem, quam jurejurando

C

cre-

credulitatis affirmamus, vel affirmativa vel negativa esse potest, sed inde nemo fundamentum dividendi juramentum Credulitatis in affirmativum & negativum deduxit.

### §. IX.

Si auctoritati Viri summi cedere fas esset, illi rationem differentiae affirmativi & negativi juramenti Credulitatis ita satis subtiliter sed frustra nobis persuadere praesumit: *Si quis, inquit, cogatur respondere, credatne Titium vivere, an non credat? ille, qui dicit, se non credere illum vivere, non statim dici potest, credere, illum esse mortuum, quia potest esse, ut non credat, illum mortuum. Secus est, si postponat negationem: credo eum non vivere; nam tum idem esset, ac si dixisset: Credo eum esse mortuum. Sed quis non videt, nisi praesudicio auctoritatis occaecatus, quod is, qui non credit, Titium vivere, itidem credat, illum non vivere, siue mortuum esse, & hac ita promiscue dici, nec differre inprimis manifestissimum redditur ex Ordin. Camer. Imper. ubi quod dicitur Part. I. Tit. LXXI. ob ihr die (sc. des Klägers Articul.) glaubet oder nicht glaubet wahr seyn? veluti data opera his verbis repetitur part. I. Tit. LXXIII. daß ihr glaubet / dieselbe (Klägers articul) wahr, oder nicht wahr seyn. Idem indicitare videtur CARPZOV. L. III. Resp. LXI. qui num. 7. refert sententiam Scabin. Lipsiens. ibi: Daß sie dafür hielten und*

und gläubten / daß ihr Vater — ein mehrers nicht zu sich genommen & c. l. n. 14. aliam Sententiam Senat. Appellat. subjungit, qua verba habentur: Daß er nicht glaube / daß — die specificirten Stücke ihr Ehemann zu sich genommen. Nec ulla ratio est, ut diximus, cur particula *non* ante vel post *eo* credere posita magis vel minus negare, vel plane affirmare dici possit, & tamen *eo* credere non factum esse ad Juramentum credulitatis affirmativum expresse referunt. Si similem subtilitatis licentiam sumere nobis permissum esset, tam ex natura enunciationis, quam ex usu linguæ monstrare possemus, positum particulae negandi nihil hic inferre. Sed hoc unicum considerassent viri doctissimi, quando dicimus: *Non credo, eum vivere*, intelligendum esse, ac si scriptum aut dictum esset: *Non, credo, eum vivere*, aut nihil prorsus dici, aut affirmari, nunquam in eam sententiam prolapsi essent. Ita enim formula explicanda est: *Tot indicia, tot testimonia habeo, ut facile persuadear, eum non vivere*; quod idem est, ac si scripdissem: *tot indicia, tot testimonia habeo, ut non possim mihi persuadere, eum vivere*, siue ut affirmare nequeam, eum vivere. Vnde liquet idem prorsus, quoad rem & sententiam, utraque formula dici.

## §. X.

Nec magis nobis se probat alterius cujusdam non minoris celebritatis JCTi sententia, qui purat, quod, qui non credit factum esse, non probabiliter sciat, sed adhuc dubitet, adeoque de credulitate non affirmative sed negative jurare debeat. Potius hac formula jurans distincte aliquid ponit, & non factum esse probabiliter, vere tamen, asseverat, & firmiter credit, & idem est, ac si juret, se credere non factum esse, prout §. antec. IX. demonstratum est. Quod dubitantem ad jusjurandum credulitatis negativum vocandi consilium valde periculosum, & perjuriis temerariis viam aperire nobis videtur. Et certe dubitans nihil ponit, neque affirmat neque negat. Dubitatio plane excludit probabilem conscientiam, quam ipsa natura juramenti credulitatis, ut dictum est, maxime postulat, potius qui de facto vel non - facto dubitat, si vel maxime jurandi licentia ipsi danda esset, illud ignorare censetur, unde dubitans & plane ignorans in jure exequantur *arg. l. ult. §. 2. ff. de furt. l. ult. ff. de Conditt. indeb.* sicque ignorantie non vero credulitatis juramentum salva conscientia prestat. Ut dubitatio ac incertitudo collatur, jurare convenit, recte inquit DVARENVS in *Comment. in Lib. XII. Tit. II. de Jurejurand. Cap. XII. §. l. 34. pr. ff. de Jurejur.* vult VLPIANVS: spatium dandum esse ei, qui jurare cogi debet, ut *certioretur*, & sic juret.

Fere

Fere in hunc modum , ut idem VLPIANVS, in l. 13. §. *fin. ff. de recept. qui arbitr.* spatium arbitro dari iussit , si juret sibi de causa nondum liquere. Plane si Judex pedaneus , qui , *se ex animi sui sententia facere* , in pronunciando profiteri solitus est, ut testatur BRISSON *de Formul. Libr. V.* ad pronuncian- dum a Prætoris urgeri non poterat : multo minus , cui de facto non liquet , ad jusjurandum cogi vel admitti potest , quod *ex animi sententia* , in fidem invocato Numine , procedere debet *arg. l. 2. §. 2. C. de Jurejur. propt. calumn.* ibi : *eo quod ex animi sui scientia jurent.* Ita quidem multum refert , jura- mentorum horum confusionem sollicitè evitare , ut- pote quo temeritati & vanæ simplicitati hominum re- cte occurritur , & teneris conscientiis provide con- sultitur.

## §. XI.

Alterâ , quam modo diximus , juramenti cre- dulitatis negativi formulæ pars , qua quis *se non cre- dere , hoc vel illud , non factum esse* jurare dicitur , nec sensu , nec certa ratione nititur. Aut enim dux ne- gationes fortius affirmant , & qui non credit , non fa- ctum esse , *credat , factum esse* , necesse est , adeoque de credulitate affirmative jurare debet ; Aut , qui ter- minis inhaerent , ex puris negativis nihil consequi , fatean- tur. Utroque sensu in hac conditione jurandi nihil agi-

C3

tur;

tur, nec ea adeo formula opus esse videtur. Priori quippe sensu ad aliam speciem jurisjurandi pertinet; posteriori vero est prorsus frustranea, juramentum autem frustraneum ipse sanctior cultus divinus maxime abhorret. Et cum recte dicatur, quod juramentum credulitatis ad asseverandam & confirmandam credulitatem praestetur; *Illustr. MENC K. ad tit. ff. de Jurejurand. §. XXXVII.* natura etiam juramenti in assertione religiosa consistat: nullum vere negativum juramentum proprie admitti facile debet, hinc is, qui, se credere non factum esse numerationem pecuniae, jurat, recte falsitatem praetensae numerationis asseverare dicatur.

## §. XII.

Urget quidem porro JCtus, qui dissentientium castra sequitur, rationem differentiae juramenti credulitatis negativi in genere & gradu credulitatis positam esse: Nimirum cum conjecturae aliae sunt fortiores, aliae debiliores, putat; si conjecturae apparentes ad inducendam veritatem probabilem non sufficiant, omnino hoc negativo jurejurando opus esse, nec statim ad ignorantiae sacramentum procedi posse, quum aliud sit, ex debilioribus rationibus aliquid factum, vel non factum, non credere; aliud rei veritatem vel falsitatem plane ignorare. Verum enim vero plane dubitamus, quin ejusmodi gradum credulitatis particula *non*, diversimode adhibita, significare & conficere possit, ut potius

ius, si fortiores conjecturæ non adsint, ex debilioribus sollicitè collectis conjecturis elicita credulitas jurata fide rectè affirmari possit. Nec magis conscientia lationem evitat, qui virtute debiliorum conjecturarum adductus negative, se non credere factum esse, quam qui affirmative id credere non factum esse jurato enunciat. Et ut caput disceptationis comprehendamus, qui, ira dictis debilioribus indiciis commotus, jurat, veri vel falsi conscientiam probabilem habere, aut non habere, dicendus est. Illo casu credulitatem suam, sive se credere, non factum esse, jurato comprobeat: hoc vero casu ignorantiam suam sub religione sacramenti confiteatur necesse est, ut dicitur in c. 15. X. de restit. spoliat. notanter: *se nec scire nec credere, supra dicta ab hospitali possessa, vel ad illud aliquatenus pertinere.* Qui igitur ignorat, & nescire & non credere dici potest, hinc ignorare & non credere promiscue usurpari, observare licet. Quo facit notabil. l. 9. §. 4. ff. de jur. & fact. ignor. ibi: *Qui ignoravit, dominum esse rei venditorem, plus in re est, quam in existimatione mentis, & ideo tametsi existimet, se non a domino emere, tamen si a domino ei tradatur, dominus efficitur.* Ea enim est natura juramenti ignorantia, ut id nescire vel id non credere asseveremus, id est, apodicticam vel probabilem scientiam rei, prout res fert, jurato abnegemus, ita expresse dicitur: *Land X. Lib. I. art. VI. Seine Wissenschaft soll Er läugnen, und dafür schwören &c.* hæc nominatim forma juramento credulitatis præscripta est, ut, quod quisque credidit & existimat hoc sit jurandum

*dum, quæ sunt expressa verba l. 2. §. 2. C. de jurejur. propri. salum.*

### §. XIII.

Quæ cum ita sint, plane præter rem mos collegiorum provide receptus redarguitur, quod indifferenter, posthabita distinctione juramenti credulitatis negativi & affirmativi, injungant juramentum credulitatis, per verba : *credo & existimo ich glaube und halte das für* : Rationem addunt, quod is, qui per *nescit* litem contestatus est, quod *non credat*, factum esse, necessario jurare debeat, quæ jurisjurandi formula litis contestationi, per *nescio* factæ, maxime responderet, adeoque sententionantibus, qui in conceptione juramentorum maxime ad litis contestationis formam attendere solent, etiam hoc casu ab eadem recedere non liceat. Enim vero, cum supra §. IX, X. jam demonstratum sit, ista captatione verborum nihil agi; & præterea Juramentum, quod credat, *non factum esse*, litis contestationi, per *nescit* factæ, satis apte respondeat; potius Jus dicentes hoc jure utuntur, ut isti ficto juramento credulitatis negativo omnem usum fori denegent. Potius in laude ponendum est, quod ita sollicite providcant, ne simplices in reatum jurisjurandi temerarii præcipitentur.

### §. XIV.



## §. XIV.

Imo si quis forte in sententia jussus sit, jurare, quod non credat, hoc vel illud factum esse, ad officium boni judicis omnino pertinet, ut, si diligenti instituta perscrutatione conscientiz, animadverterit, hominem, sibi non recte conscium, adhuc dubitare, an factum vel non factum sit: Illum a modo dicto juramento plane arceat, licet vel maxime ita dubitans, magis se non credere, factum esse, quam credere non factum esse dixerit. Quod si enim, se firmiter credere, illud non factum esse, jurato asseverare nequeat: nec de credulitate, quam non habet, sive affirmativis sive negativis verbis exprimatur, jurare integrum est; si gravem temerarii juramenti, vel adeo perjurii suspensionem evitare, curæ cordique est. Igitur quo magis homines tenuioris fortunæ, nimis creduli, vel spe lucri invitantur, vel vana simplicitate decipiuntur: Eo major circumspèctio a judice cordato adhibenda est, ne temerario vel plane impio ausu de credulitate jurare sibi sumant. Quod quidem sæpe evitari poterit, dum in causæ & facti circumstantias & fundamenta credulitatis, ad jurandum se proterve offerentis, omni data opera inquirat; Si suspèctæ hypothesi repugnantes circumstantias graviter & demonstrative juraturo opponit; cum ipsius indiciis conferat, sicque probabilitatem veram vel apparentem

D

hypo-

hypotheseos, sub qua jurare præsumitur, sedulo sub examen vocet, & fallacias causarum & indiciorum apparentium alia fortioris hypotheseos, ex variis indiciis collecta, virtute, si ita res fert, destruere sataget. Quandoquidem crudæ cogitationis est, dixisse, neminem de alterius conscientia judicare posse: cum hac in re, enumeratis indiciis & documentis, ad credendum impellentibus, de ipsa credulitate seu probabilitate levi negotio constare possit. Nuda autem suspicio, quæ plane non, aut male fundata est, in hunc censum referri non debet: etsi sciamus, sæpe eam cum credulitate ista confusam esse, & maxime ab imperitis & plebejis confundi. Id quod in causa fuisse videtur, quod circa juramenta, eorumque conceptiones, adeo multum arbitrio judicis jam jure Romanorum datum sit. *l. 34. §. 5. & 8. ff. de jurejur.* & jure Saxonico passim, & imprimis Ordin. Proc. Sax. Nov. ad Tit. XIX. idem factum esse, animadvertamus. BERGER *Elect. Discept. Forens. Observ. V. not. 4. pag. 548.*

### §. XV.

Cum vero non solum faciles sint nonnulli hominum ad jurandum, & imprimis de credulitate vel quasi, contemptu religionis, vel temeritate, sed & alii perquam timidi, metu divini Numinis usque ad superstitionem (verba fere sunt *l. 8. ff. de Condition. Institut.*) quod

quod in juramento de probabili conscientia eo magis condonandum est; ne vel hi nimio rigore & scrupulositate deterreantur, illi in inconsulta facilitate jurandi persistant: Judex consultissime arbitrium suum eo dirigat, ut & hujus personarum, sicuti rerum, diversitatis rationem habeat, quod exigit nominatim VLPPIANVS in l. 34. §. 8. ff. de jurejur. Et si forte pertinax malitia non sine metu perjurii se ad jurandum offerentis adeo resistat judici, in veritatem causæ inquirenti, ut ipsius rationes credulitatis, alta mente repositas, nullo consilio evocare, adcoque non exanimare possit; & circumstantiis, graviter repugnantibus, ipsius credulitati oppositis, animum advertere nolit, quem advocatus malevolus sæpe induravit, usque adeo, ut omnem judicis solertiam eluderet: omnis res pertinacis hominis conscientia relinquenda esse videtur, utpote quæ non vult cogi, sed persuaderi. Et hoc solo officium judicis terminatur: Nisi ex quarundam circumstantiarum confessione, in judicio forte elicitæ, vel aliunde directo repugnantia indicia manifestentur, quorum ope alia & contraria quidem probabilitas ipsi judici subnascatur, cujus beneficio a conditione jurandi interim suspensus, postea per sententiam vel decretum plane repellatur. Plura addere nec lubet, nec ad institutum nostrum pertinere videtur. Principia hic tradidisse, ex iisdem nonnullos abusus notasse, & ad verum usum amplificandum alios excitasse, nobis sufficit. Libe-

rius dicunt , & ad specialiores casus progrediuntur  
 LAVTERBACH. in *Disp. supr. alleg. & Disp.*  
*de relatione jurisjurand. item Illustr. a BERGER in*  
*E. D. F. ad Tit. XIX. O. P. S. observ. VI.*  
*& integr. notis p. 549. & seqq.*



NOBILISSIMI DOMINI  
RESPONDENTIS  
OPTIMO PARENTI

S. P. D.

PRÆSES.



*Andem ergo in publicum prodire ju-  
bes Filium, Virtutum Paternarum  
heredem ex asse, quem non per sal-  
tum, quo alii studiorum academi-  
corum spatia transmittunt, sed  
legitime emenso quadriennii tempore optimis  
artibus imbui voluisti. Jure TVO uteris,  
ut, quem tam benigno affectu tanto tempore  
aluisi, Et omni genere doctrinarum, me  
quoque doctore, formari curasti: specimen  
profectuum, quos eo temporis intervallo fe-  
cit, meo sub moderamine eadere jubes. Sic filium  
optimum INDULGENTISSIMI PAREN-  
TIS exemplum sequi decet, qui in hac Academia  
non levis eruditionis vestigia dissertationibus*

X 3

*suis*

fuis pereruditis, egregia pro filio diligentia  
incitamenta, reliquit. Faxit Deus, ut  
sumtum omnisque TVÆ curæ amplissimos  
fructus sentias, & ut filius ad tale honoris  
fastigium in Republica enitatur, in quali TE,  
virtute comite, constitutum veneratur eccle-  
sia. Ea est generosa mentis ipdoles, ut si non  
superare, tamen exagquare paterna virtutis  
gloriam contendat. Ita futurum est, ut  
OPTIMI PARENTIS voto, curæ,  
sumtibus, Patriæ spei & Magnorum Pa-  
tronorum expectationi abunde satisfiat,  
quod & votorum meorum sum-  
ma est.

